

25 sept 2016.

Fundur nr. 13 í aðalstjórnar Vestra, kl 17.00 í Háskólasetrinu.

Mættir eru; Hjalti Karlsson, Guðfinna Hreiðarsdóttir, Gísli Jón Hjaltason, Guðni Guðnason og Sigurður Jón Hreinsson. Jafnframt mætti Ragnar Sigtryggsson á fundinn vegna umræðu um tippaleikinn.

Gengið til dagskrár:

1. Tippaleikur.

Ragnar Sigtryggsson er tilbúinn til að taka að sér umsjón tippleiks, Íslenskra Getrauna, fyrir hönd Vestra. HSV gerir ekki athugasemd við að Vestri taki verkefnið yfir. Ekki er eingöngu um að ræða fjáröflunarleið, heldur er einnig um að ræða hluti af félagsstarfinu. Leikurinn miðast við að spila 15 umferðir og 12 bestu telji. Væntanlega verður staðsetningin á Húsinu, veitingastað. Opnunartími leiksins á staðnum verður væntanlega frá 11 til 13. Vestri - Getraunir verður ræstur á helginni 5-6 nóv, nk. Guðna og Gísla Jóni falið að ákveða vinninga fyrir þrjú efstu sætin. Hjalti kannar með hvort að númerið 400 sé laust fyrir leikinn á vegum félagsins, Guðfinnu falið að stofna Facebook-hóp vegna leiksins. Guðni ætlar að athuga með að fá Gunnar Bjarna til að græja auglýsingu fyrir leikinn.

2. Búningamál.

Það eru komin verð eða dæmi um verð, frá Jóa í Jakó. Heilgalli, kostar samkvæmt því 8.500.-, í fullorðinsstærð en 7.500.- í barnastærð. Jói er tilbúinn til að koma og hitta okkur á fimmtudaginn í næstu viku, 3 nóv. til að ræða framhaldið.

3. Auglýsingar á utanyfirbúninga og styrktarsamningur.

Viðræður hafa verið við Arnarlax um að verða aðalstyrktarðili félagsins. Úrslitastund verður á morgun, 26 okt. Þá ætlar Víkingur hjá Arnarlaxi að gefa ákveðið svar um áframhaldið. Vonir standa til að ef samningar nást, að hann geti verið til ca 3ja ára.

4. Uppkast að bréfi til HVS, vegna Vallarhúss.

Hjalti las upp uppkast að bréfi til HSV, um að Héraðssambandið hafi milligöngu um samning við Ísafjarðarbæ um afnot og umsjón (rekstur) á Vallarhúsinu á Torfnesi.

5. Útrás til vesturs.

Efla þarf samstarf til vesturs, nefnt í samhengi við viðræður við Arnarlax. Gæti liðkað verulega fyrir viðræðum við fyrirtækið (og önnur á svæðinu) jafnframt því að efla íþróttalíf á svæðinu. Hugmyndin hangir þó verulega í samhengi við samgöngur og fyrirsjáanlegar úrbætur á næstu árum.

6. Staða skráningar deilda.

Körfuknattleiksdeildin er núna formlega komin með rétta skráningu, sem deild undir Vestra. Knattspyrnudeild hélt aðalfund sinn á dögnum og kláraði að taka upp reglugerð deildarinnar. Því er núna hægt að halda áfram með skráningu þeirrar deildar. Í sunddeildinni hefur lítið sem ekkert gerst ennþá, en væntanlega verður aðalfundur á næstu vikum. Málið þokast lítið fyrr en eftir þann fund.

7. Ýmis önnur mál.

Pétur komst ekki á fundinn eins og hann hafði áður fullyrt, hann lofar að koma með köku á næsta fund.

Ritari vék af fundi kl 18:00 en fundi slitið kl. 18:30

Fundargerð ritaði Siggí Hreins